

հայ կայսր Յովհաննէս Չմշկիկն է, բայց սա վէպում կին արմատ է և կոչւում է «շատ գնօղակ փեհլուան» (№ 2, ԺԲ, էջ 37): Յայտնի է որ նա շատ հռչակաւոր էր, եղիլ է Տարօնում և դաշնակցութիւն ունեցել Աշոտ Ողորմածի հետ: Սորա այս սեռափոխութիւնն էր միայն, որ մեզ տարօրինակ էր թուում և դժուարացնում ցարգ այս կարծիքը յայտնելու. սակայն երբ Աստղիկ դիցուհին Ձոջանց վէպում Պարոն և դիւցազն է դարձել, այլևս դարմանալու չէ:

Այս տարօրինակ հանգամանքը Բ. Սալաթեանը բացատրում է Մ. Ուռնայեցու յիշած դէպքով: Չմշկիկը պաշարում է Ամիգ քաղաքը, որի տէրը կիլն էր և Համտուն Տաճկաց ամիրայի քոյր, առաջ Չմշկիկի սիրականը. Չմշկիկը տուել էր Համիգը իւր այդ «կնոջը», որ Չմշկիկի հայրենիք Սողանայ գաւառի կողմերից էր: «Իւր հերոսի մահը հիմնաւորելու համար, որ ընկնում էր իւր դաւաճանութեան համար Չմշկիկ սուլթանի ձեռքից, ժողովուրդն անդիտակցարար փոխադրել է վերոյիշեալ աւանդութիւնը Դաւթի վերայ, կայսեր անունը տալով նորա սիրուհուն<sup>1</sup>»:

Այս բացատրութիւնը թերևս յաջող համարուէր, եթէ չլինէր Աստղիկի հակառակ դէպքը, մանաւանդ որ ըստ № 3-ի և 9-ի, ոչ թէ Սուլթան Չմուշկը, այլ սորա աղջիկն է Դաւթին սպանողը: Մեզ թուում է, որ այստեղ շփոթութեանց պատճառը Հայոց անունների սեռական վերջաւորութիւն չունենալն է. ուստի և չնայելով պատմական անցքերի յիշողութիւնը ճիշտ են պահուած, այսպէս «Չմշկեր սուլթանի աղջիկը» Դաւթի «սերմն էր»,—ակնարկ է Չմշկիկի հայ ծաղման,—որից և միայն կարող էր սպանուել (№ 3, էջ 51), բայց և այնպէս շփոթութիւն է յառաջացել, այսպէս էլ Աստղիկի դէպքը:

Հայ ժողովուրդը չնայելով որ գիտէ սուլթանը թուրք թագաւոր է. բայց նա այսօր էլ շատ աղջիկների անուն դնում է Սուլթան: Սուլթան, Սիոն անունը մեզնում այժմ և տղամարդի և կինարմատի անուն է. իսկ Արշալոյս, Յուսիկ, Սիրական Վարդ կայն, որ

եւ այլն). Սուլթան Չմշկեր կամ Սուլթան Գրմիժ (№ 5, էջ 40—42, 49—53). Սըլթան Չմուշ, Չմուշկ (№ 44, էջ 58—42) և Սըլթան Չմուշ (№ 9, էջ 585, 592—595): Այս փոփոխակներից լուսադոյն են № 7 և 9:

1. Բ. Խալաթեանց, Հայ ժողովրդական դիւցազնական վէպը հանդերձ քննադատութեամբ, էջ 32—35, Վիեննա 1903: Այս գրուածքին մենք ծանօթացել ենք 4908 սկիզբներին շնորհիւ մեր ընկեր Ա. Չամբնեանի ցուցմունքի. ուստի մեր ցարդ Ձոջանց տան մասին գրածներն անկախ են Ընթերցողը մի ակնարկով կը համոզուի այդ բանին. մանաւանդ որ զանազանութիւնները շատ խոշոր են եւ աչքի ընկնող. իսկ նմանութիւններն են միայն Գաւիթ եւ Մնէրն, այն էլ շատ տարբերութիւններով: